

Dienelkander



Nuusbrief van die Gereformeerde Kerk Potchefstroom-Oos

29 Maart 2015

OGGENDDIENS: Ds Karel

Vanoggend word die sakramant van die heilige Doop aan Nicolaas en Amia van der Walt bedien. Dit is die tweeling van Niekie en Gina van der Walt. Oupa Nic van der Walt, predikant van Gereformeerde Kerk Brits, gaan die doop bedien. Baie seën vir julle toegebid!

Skriflesing: 1 Konings 822-28,
Johannes 1: 14-18 en Johannes 12: 12-19

Teksvers: 1 Konings 8: 27-28

Tema: Ontmoet jou grote Verbondsgod, wat in Jesus Christus mens geword het, in gebed.

Verlede week het ons gehoor dat ons met eerbied en ontsag moet bid, wanneer ons in gebedsontmoeting met die Here staan. Die rede waarom ons eerbied en ontsag moet hê, word vir ons in vers 27 gegee: "Die hemel, selfs die hoogste hemel, kan U nie bevate nie." Dit is van ons Here - ons Verbondsgod - waaraan Salomo getuig!

Wanneer Christus kom, kom God naby aan ons! Dan kom woon God nie net in die tempel nie, maar word Hy mens en kom woon Hy tussen ons. Daardie week nadat Christus Jerusalem ingery het op die rug van 'n donkie, het alles verander. Daardie week het Christus alles verander en het Hy dit moontlik gemaak dat ons nie meer God in tempels hoef te ontmoet nie, maar dat God in ons woon en dat ons enige tyd in 'n gebedsontmoeting met Hom mag tree.

Voorafsang

Lied 169: 1, 2, 3 en Lied 190: 1, 2

Ontmoetingsdiens

Intreelied: Ps 95-1: 1; Votum; Groetseën; Sing: Ps 113-2: 1, 2, 3 (Mel. Ps 24-1); Geloofsbelijdenis NGB art.1; Antwoord Sb 12-3: 1, 2

Verootmoedigingsdiens

Wet: Eksodus 20; Sing Ps 139-1: 5, 7, 12; Gebed

Woorddiens

Skriflesing; Woordbediening;
Doopsbediening; Sing Sb 8-1: 1, 2

Antwoorddiens

Gebed; Liefdegawe; Gebed vir Bediening na Buite; Sing Sb 7-1: 1, 2, 3; Seën; Amenlied Sb 13-2.

AANDDIENS: Ds Karel

Skriflesing: 1 Konings 8: 28-36, 44-52;
Matteus 6: 7-8; Markus 14: 32-42

Teksvers: 1 Konings 8: 52

Tema: Pleit aanhoudend om vergifnis, soos ons Verlosser gepleit het voor Hy verlossing gebring het!

Van klein tyd af word ons Gereformeerdes groot gemaak met die waarskuwing dat ons moet pasop vir die ydele herhaling van woorde in ons gebede. Daarom dat baie van ons versigtig is vir groepsgebede, want dikwels - so voel ons - loop dit uit op 'n ydele herhaling van woorde. Die Nuwe Afrikaanse Vertaling praat van 'n stortvloed van woorde.

Die vraag is egter, wat is hierdie "ydele herhaling van woorde" en kan ons soms in ons gebede sekere bedes herhaal? Hoekom mag ons dit doen?

Vooraf sang

Ps 143:2: 1, 2 en Lied 159: 1, 3

Ontmoetingsdiens

Intreelied: Ps 33:1: 8, 11; Votum; Groetseën;
Sing Ps 111:2: 1, 2, 3

Woorddiens

Gebed; Skriflesing; Sing Sb 5-5: 1, 2;
Woordbediening

Antwoorddiens

Gebed; Liefdegawe; Sing Sb 15:1: 1, 2, 3, 4;
Seën; Amenlied Sb 13-3.

MEELEWING

- Isak van der Walt (Groep 26 - 082 703 1874) het 'n groot terugslag gehad en is in ICU in Medikliniek opgeneem.
- Pieter Jordaan, die seun van oom Jorrie en tannie Ina Jordaan is baie ernstig siek.
- Rina Snyman (Groep 28 - 076 795 9956) sterk aan na haar breukoperasie

Ons bid dat die Here spoedig beterskap en herstel sal gee.

ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Sannie Reyneke, Filina Coetsee, Marianne Kruger, Bettie Ras, Janet vd Walt, Hester Buys, Adrie de Kock en Kosie Kruger.

ONDERSTEUNING VIR SIEKES

Vir ondersteuning of besoek deur die hospitaalbesoek-diensgroep, skakel hierdie week vir:

siekies@oosdoppers.co.za;

Anna Smith (084 431 8476);

Joey Lubbe (083 232 9376)

BAIE WELKOM

Ons verwelkom graag vir Riaan, Adele, Zach en Xander Human wat met attestaat vanaf Geref. Kerk Rustenburg by ons gemeente aansluit. Hulle woon in Hattinghstr 3c, groep 36.

AFKONDIGINGS

Vandag

09:00 Gebedsgroep
09:30 Oggenddiens
Tee en Koffie
Geen Kleuterbediening
Geen Katkisasie

18:00 Aanddiens

Vrydag - Goeie Vrydag

9:00 Gesamentlike Paaserediens in die gebou van Potchefstroom Die Bult, onder leiding van Moirivier-gemeente

DS PIET MET VERLOF

Ds Piet is met verlof van 30 Maart tot 7 April.

KENELKANDER 2015 IS BESKIKBAAR

Ons nuwe Kenelkander gemeente-inligtingboekie vir 2015 is beskikbaar. Slegs lidmate wat harde kopieë bestel het kan van die boekies in die Skuur neem - kyk uit vir jou naam wat op die boekie aangebring is.

Daar is ook harde kopieë vir kerkraadslede en groepleiers beskikbaar. Lidmate wat die inligting elektronies wil bekom, kan dit by die Kerkkantoor aanvra. Baie dankie aan lidmate wat ons gemeenteboekie geborg het en so die koste daarvan baie verminder het:

Gerrit Janse v Rensburg, Rieëtte Venter, Jan v Jaarsveld, Lu Erasmus, Werner Pheiffer, Dana Schutte, Eddie Coetsee, Pierre Viviers.

KURSUS OOR DIE DIENS VAN ELKE GELOWIGE

Kerkwees is dit wat in die lewe van elke gelowige gebeur wanneer hy of sy nie by die kerkgebou is op Sondae nie. Kom ons noem dit die "missionale amp" van die gelowige. 'n Amp vir elke lidmaat? Beteken dit dat elke lidmaat elke dag van die week 'n taak het om te doen in die wêreld? Ja – dit is die "missionale amp" van die gelowige. Dit is nie net die dominee, die ouerlinge en die diakens wat in die kerk werk nie – dit is elke lidmaat wat as deel van die kerk – in die wêreld werksaam moet wees.

Kursus: Die Missionale Amp van die gelowige

Aanbieder: Prof IW (Naas) Ferreira
Wanneer: 7 geleenthede op Woensdae
vanaf 15 April tot 27 Mei 2015
Plek en Tyd: Kamer 204 Teologiegebou
(NWU) – 18:30 – 20:00

Wil jy graag hierdie kursus bywoon? Alle Christene van Potch – oud en jonk - is hartlik welkom. Gemeentes wat die kursus op ‘n ander tyd in hulle eie gemeente sou wou aanbied is ook welkom om navraag te doen. Vir inskrywing of navraag: Stuur epos aan: naas.ferreira@nwu.ac.za. Kantoor: 018 299 1848.

VERJAARSDAE

Baie geluk aan almal wat DV hierdie week verjaar!

Sondag, 29 Maart

Br Dian Aucamp 072 020 0789
Sr Wilma Viviers 082 577 7545

Maandag, 30 Maart

Sr Sonja Olivier 083 282 9732
Jsr Nicolize Venter

Dinsdag, 31 Maart

Br Eddie Coetsee 072 567 8932
Jsr Demmè Duvenage 074 580 1124
Sr Bettie Niemand (81) 082 421 5380

Donderdag, 2 April

Sr Yolandi Haasbroek 083 628 7136

Vrydag, 3 April

Br Sam Bezuidenhout 082 495 8473
Sr Christa Pienaar 072 731 5667

ANDER AFKONDIGINGS

- Liefdegawe vanoggend vir Barmhartigheid.
- Gawe by die deure vanoggend vir die Teologiese studentekas.
- Gawe volgende Sondag vir die Christelike onderwys.
- Vrywillige bydrae vir voertuigsekuriteit in die bussies by deure.
- Diensbeurte: Groep 41 en 42.

PROJEKTE NUUS - OOSDOPPERFEES - 30 MEI 2015

Lieve gemeente, ons gewilde Oosdopperfees is ons volgende projek en dit is met opgewonde afwagting wat ons hierna uitsien! Ons weet dat julle ook saam met ons gaan beplan en meewerk, sodat ons fees weer die heerlike geleentheid is wat dit elke jaar is. Hier volg 3 afdelings se behoeftes:

DIE VLEISKOMITEE VRA:

Indien daar gemeentelede is wat graag vir ons Oosdopperfees se verkooping lewende hawe (beeste, skape, varke, wild) kan skenk, sal dit oopreg waardeer word. Ons is ook op soek na skenkings van die swart plastiese houers waarin vee-lek gewoonlik verkoop word. Diegene wat kan help, kontak asb. vir Michiel de Kock (082 857 8619) of Pieter Lourens (072 113 4961) of enige ander lid van die vleiskomitee. Baie dankie. Ons maak staat op u ondersteuning!

DIE HANDELSHUIS VRA:

Gee vir ons geskenke vir die handelshuis! Jou talent wat jy kan gee in produkte wat jy maak en dit word dan verkoop in die handelshuis. Daar is soveel moontlikhede. Jy maak die lekkerste konfyt, koek (verkieslik eenlaagkoekoek), kleinkoekies, ingelegde slaai (soos beet, kopperpennie- of groenboneslaai), brode (soos piesangbrode), terte, ens. - enige ander produk wat jy maak, soos gehekelde of gebreide artikels, kinderspeelgoed ens.

Dan benodig ons ook tweedehandse bruikbare klere, asook baba klere - daar is 'n groot behoefte hiervoor.

Verder gaan ons ook hierdie jaar die gewilde witolifant-verkope hê. Julle wat huis regpak of uitgooi, kan gerus dit wat iemand anders kan en gaan gebruik, bring en ons verkoop dit.

BOEK-OASE:

Ons gewilde boek-oase is ook weer op ons program van die dag kom laai jou lekker-lees-boeke af by die kerk!

Hou hierdie spasie dop vir meer inligting oor ons eie Oosdopperfees!

NUWE, ENGELSE GKSA JEUGTYDSKRIF - ONS KORT JOU HULP!

Die Jeug- en tydskrifdeputate is besig met die ontwikkeling van 'n splinternuwe Engelse joernaal, gerig op alle Engelssprekende gereformeerde lidmate en ander mense wat ook graag gereformeerde artikels lees. Die joernaal sal sterk daarop fokus om die jeug toe te rus vir die uitlewing van die evangelie, maar sal ook artikels vir ouer lidmate en kinders bevat.

In 2013 het die Jeugdeputate twee uitgawes van Crossroad gepubliseer. Die reaksie van die Engelssprekendes was baie positief en 'n groot opgewondenheid het geheers. Hierdie was egter slegs proefuitgawes en die volgende paar uitgawes sal die voortsetting van ons marknavorsing wees. Daarom sal ons enige insette van u waardeer.

Stap1: Ons benodig 'n naam:

Leidrade:

- Dis Engels
- Dis modern
- Dis gereformeerde
- Daar is 'n naam en 'n leuse of visie
- Dit fokus op jongmense

Voorstelle kan gestuur word aan:
karin@kruispad.net

JEUGKONSERT

Wanneer: Vrydag 17 April (1ste Vrydag na die skoolvakansie)

Waar: Skuur

Tyd: 18:00 vir 18:30 TOT 19:30

Kostes: R20 p/volwassene en R10 p/kind. 'n Gesin van 4 en meer betaal slegs R50

Almal word genooi om saam te kom lag en ontspan!! Hoërskool Ferdinand Postma se toneelgroep en Janus Kruger gaan ons vermaak.

Daar sal pannekoek en koeldrank te koop wees .

BEROEPE NUUS BEROEPE ONTVANG

- Proponent M Mdongwa na Suidkus met spesiale opdrag: kerkstigting en opleiding.
- Ds PJ van Blerk [Petrus] van Rustenburg-Wes na Rietvallei as medeleraar.

BEROEPE AANVAAR

- Proponent C Botha [Chris] na Nylstroom.

BEROEPE BEDANK

- Proponent C Botha [Chris] na Pretoria-Alkantrant.

STERREKYK!



Susters



Hand 2:46 – 47a

“Hulle het almal elke dag getrou by die tempel bymekaar gekom, van huis tot huis die gemeenskaplike maaltyd gehou, hulle kos met blydschap in alle eenvoud geëet en God geprys.”

Dankie aan elke suster vir haar dienswerk in ons Here se kerk

TEESKINKGELEENTHEID

Tee word vandag in die Skuur bedien onder die leiding van Sonette Turkstra (groep 5), Marlise Styger (groep 8) en sistersbestuurslede.

Baie dankie aan die groepsisters en hul groepe se sisters en broers wat met die skink en opwas help! **Ons moedig sisters en broers aan om te kom help met die skink en opwas - so leer ons mekaar en ons nuwe groepe beter ken!**

SUSTERSBYDRAE

Die sisters se fondse word verkry uit elke sister se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

Kyk gerus uit vir ons bruinkoevert waarin jy jou sistersbydrae kan sit en in die kluis kan gooi! (Beskikbaar op die tafel in die kerk se portaal en ook in die skuur se portaal)

Baie dankie aan ons borg van die week!

VIVIERS INGELYF PROKUREURS

Skakel Pierre Viviers vir die volgende regsdienste:

- * Opstel van testamente
- * Boedel- en aftreebeplanning
- * Bereddering van bestorwe boedels
- * Stigting van trusts
- * Registrasie van onroerende eiendom
- * Siviele litigasie – Hoë- en Landdroshof
- * Skuldinvorderings
- * Huweliksvoorwaardeskontrakte
- * Lugvaartregsdienste
- * Lugvaartverzekering – FSP nommer 43890

**Eerstevloer
Octongebou
James Morokalaan 62
Potchefstroom
☎ (018) 297-5201 k/u
pierre@viviersattorneys.co.za**

OOSDOPPERTJES



NUUS UIT DIE BYBELKOERANT

STAD SIT SY BESTE VOET VOOR VIR DIE DUISENDE PAASFEESGANGERS

JERUSALEM - Die stad van Dawid is gereed om die duisende paasfeesgangers te akkommodeer. Dit is die boodskap van die hoëpriester Kajafas, voorsitter van die reëlingskomitee vir dié belangrikste fees op die Joodse kalender.

Spesiale reëlings is getref vir die verwagte toeloop van pelgrims. Mense wat verblyf soek, kan aanklop by die spesiale inligtingskantoor op die tempelplein. 'n Volledige lys van alle beskikbare slaapplek is daar verkrygbaar. Verder is daar lammers vir die Paasmaaltyd te koop, asook duiwe vir die bring van offers.

Geldwisselaars staan ook gereed om besoekers se Griekse en Romeinse munte om te sit in die vereiste Joodse geld vir die tempelbelasting.

Intussen het die eerste pelgrims uit die Noorde vandag hier begin aankom vir die week lange feesvierings, wat die Israeliete se verlossing uit Egipte meer as 1200 jaar gelede in herinnering roep.

Lees hiervan in Markus 11: 15-19.

JEUGKONSERT

Wanneer: Vrydag 17 April (1ste Vrydag na die skoolvakansie)

Waar: Skuur

Tyd: 18:00 vir 18:30 TOT 19:30

Kostes: R20 p/volwassene en R10 p/kind. 'n Gesin van 4 en meer betaal slegs R50



Almal word genooi om saam te kom lag en ontspan!! Hoërskool Ferdinand Postma se toneelgroep en Janus Kruger gaan ons vermaak.
Daar sal pannekoek en koeldrank te koop wees.

GEDAGTE VIR VANDAG

Die wil van God sal jou nooit neem na plekke waar die genade van God jou nie sal vashou nie. - Thomas Aquinas

